

ALTA CONNECTIONS

Tsab Ntawv Xov Xwm Luam Tawm Ib Xyoo Plaub Zaug Coj Los Qhia Cov Neeg Peb Pab,
Cov Neeg Ios sis Chaw Npaj Cov Kev Pab, thiab Cov Neeg Ua Hauj Lwm Rau Alta



Muaj lus qhia ntxiv txog peb
tus kws kos duab
Bita Baharestani
phab ntawv 8

TUS NEEG SAIB XYUAS KEV KHIAV HAUJ LWM COV LUS TSHAJ XO

Tus Neeg Saib Xyuas Kev Khiav Hauj Lwm Lori Banales

Lub sij hawm peb lub hlis thib ob ntawm lub xyoo yog ib lub sij hawm uas muaj kev tawm suab pab lwm cov neeg, muaj kev mus hais kom tib neeg paub, thiab muaj kev sib sau los ua kev zoo siab nyob rau lub sij hawm thaum lub xyoo 23/24 xaus. Thaum Lub Rau Hli, Tim 22, tus Tsww Xeev lub chaw khiav hauj lwm tau tshaj tawm hais tias lawy tau nrog cov coj ntawm cov txwj laus sau kev cai lij choj sib tham haum tag lawm hais txog Txoj Kev Npaj Ua Ntej Hais Tias Yuav Siv Nyiaj Txiag Zoo Li Cas (Budget). Muaj ib feem, qhov kev pom zoo ntawm no yeej yog ib qhov uas muaj kev cuam tshuam rau ib yam ntawm peb txoj kev mus tawm suab hais txog txoj kev yuav them cov tib neeg uas yog cov tu los sis saib xyuas tib neeg. Cov lus pom zoo yeej hais tias peb yuav tau muab txoj kev nce nyiaj rau cov neeg uas yog cov tu los sis saib xyuas tib neeg ncua ntev li rau lub hlis uas yog yuav muab ncua mus txog thaum Lub Ib Hlis, Tim 1, 2025. Qhov no yog ib qhov uas txaww Tus Tsww Xeev txoj kev npaj ua ntej hais tias yuav siv nyiaj txiag zoo li cas uas nws tau muab hais tawm thaum Lub Ib Hlis thiab Lub Tsib Hlis uas yeej tau hais tias yuav muab qhov kev nce nyiaj ncua mus txog thaum Lub Xya Hli, Tim 1, 2025. Los txog rau lub sij hawm no, tag nrho cov tib neeg uas peb pab, nrog rau cov zej zos nyob thoob plaws hauv lub xeev, yeej tau mus hais kom cov txwj laus sau kev cai lij choj los mus nrog cov tib neeg uas muaj teeb meem rau ntawm txoj kev loj hlob hais kom tus tsww xeev muab nws qhov kev npaj ua ntej hais tias yuav siv nyiaj txiag zoo li cas pauv. Peb yeej pom neeg sib zog khiau txoj hauj lwm no nyob ntawm qhov kev sib sau hu ua Grassroots Day thaum Lub Plaub Hlis, uas yog cov rooj sib tham hais txog kev npaj ua ntej hais tias yuav siv nyiaj txiag zoo li cas thiab yeej pom thaum muaj cov kev sib sau nyob thoob plaws hauv lub xeev. Nyob hauv Sacramento, lawv yeej hnov peb cov suab nrov loj thiab nrov nrog kev zoo siab thaum muaj txog pua leej tib neeg tau mus sib sau nyob ntawm lub tshaw nyom Capitol's East mus tawm suab. Qhov kawg, lawv yeej hnov peb cov suab thiab lawv tau muab lub sij hawm nce nyiaj pauv kom tsis txhob yog muab ncua mus txog thaum lub sij hawm uas tau tshaj tawm.

MUAJ DAB TSI NYOB HAUV TSAB NTAWV XOV XWM NTAWM NO:

- XOV LOS NTAWM ED CAPITOL
- KEV SIB SAU RAU IB HNUB HAUV LUB TSIB HLIS LOS MUS TAWM SUAB
- KOM NEEG PAUB
- KEV SAIB ZAJ YEEB YAJ KIAB BEING MICHELLE
- KEV SIB SAU RAU COV NEEG LOS SIS KOOM HAUM UAS PAB COV TIB NEEG LAG NTSEG THIAB TSIS HNOV LUS ZOO
- COV KWS KHO MOB PHAB NTAWV
- KEV TAWM SUAB TXOG KEV MUAJ VAJ TSE NYOB
- QHOV KEV SIB SAU RAU COV LAG LUAM ME
- DSPCOLLABORATIVE PRIDE
- PARADE
- SIERRA COLLEGE QHOV KEV KAWM LIFE
- LUS PIAV QHIA TXOG IB TUS KWS KOS DUAB UAS PEB TAU XAIV COJ LOS QHIA RAU SAWV DAWS

LUS TSHAJ TAWM

ACRC TAU TUAV LUB ROOJ SIB THAM QUARTERLY VIRTUAL COMMUNITY - LUB YIM HLI 7TH THIAB KAUM LB HLIS 6-11 TEEV
SAVV NTXOV TXOG 12 TEEV TSAUS NTUJ

THOV NCO NTSOOV: LUB HOM PHIAJ NTAWM LUB ROOJ NROG PEJ XEEM YOG LOS MUS QHIA TXHUA YAM UA MUAJ TSHWM SIM NYOB HAVL KOOM HAUM RAU SAWV DAWS PAUB THIAB YOG LOS MUS UA KOM MUAJ KEV KOOM TES LOS NTAWM PEB LUB ZEJ ZOS. QHOV NO YEEJ TSIS YOG IB QHOV CHAW RAU COV TEEB MEEM UAS CUAM TSHUAM RAU COV TIB NEEG UAS SIV PEB COV KEV PAB. COV KEV SIB THAM NTAWD YOG IB COV UAS YUAV MUS HAISS TAU NYOB RAU THAUM COV NEEG SIB PAB HAUJ LWM TSEEM TAB TOM NP AJ LOS SIS RAU THAUM MUAJ KEV SIB THAM IB TAUJ IB. UA TSAUG RAU KOJ TXOJ KEV NKAG SIAB TXOG QHOV UAS YUAV TSUM TAU CEEV NTAUB NTAWV LOS SIS LUS KOM LWM COV NEEG TSIS TXHOB PAUB TXOG IB TUS NEEG. YOG XAV PAUB NTAU TSHAJ QHOV NO, MUS XYUAS NTAWM [HTTPS://WWW.ALTAREGIONAL.ORG/CALENDAR](https://www.altaregional.org/calendar) MUS NRHIAV QHOV LINK.

TXAWM TSIS MUAB NPE UA NTEJ HAISS YUAV MUS KOOM LOS YEEJ MUS KOOM TAU.

TUS NEEG SAIB XYUAS KEV KHIAV HAUJ LWM COV LUS TSHAJ XO - TXUAS NTXIV

Ntxiv rau qhov ntawm no, peb twb muab tsab cai Trailer Bill Language (TBL) luam tawm tag lawm thiab cov ntsiab lus tseem ceeb yog muaj:

1. Yuav tsum muaj ib cov lus tswj txoj kev tsim tus qauv Master Plan for Developmental Services (Tus Qauv Npaj Cov Kev Pab Rau Kev Loj Hlob);
2. Kev siv cov qauv rau kev nce nyiaj zaug kawg rau thaum 1/1/25;
3. Pub muaj cov rooj sib tham IPP/IEP rau saum huab cua yog tus tib neeg yeej tau muaj ib lub rooj sib tham tim ntsej tim muag nyob hauv 12 lub hlis tag los no rau cov rooj sib tham IPP thiab nyob hauv 6 lub hlis tag los no rau cov rooj sib tham IFSP lawm;
4. Kev siv lej coj los khiav hauj lwm kom npaj tau cov kev txheeb xyuas tiav zoo;
5. Kev muab Tus Nqi Uas Tsev Neeg Yuav Tau Them Es Thiaj Li Yuav Mus Koom Tau thiab Cov Nqi Uas Tsev Neeg Yuav Tau Txhua Xyoo Rau Qhov Kev Pab Cuam (Family Cost Participation and Annual Family Program Fees) tshem tawm;
6. Kev muab lub sij hawm rau kev soj ntsuam cov me nyuam uas lawv yeej tsim nyog siv tau qhov kev pab cuam vim ib yam dab tsi pauv; thiab
7. Kev muab cov cai rau kev ua si pauv kom yuav tsum muaj ib tus RC rau DDS thiab muaj kev qhia rau ib cov neeg ua hauj lwm.

Lwm cov kev sib sau ua kev zoo siab thiab kev tawm suab yeej yog cov dej num uas txhawb Pride Month. ACRC tau mus taug kev zaum ob hauv Pride Parade nyob hauv plawv nroog Sacramento. Cov koom haum uas tuaj nrog peb taug kev xyoo no yeej muaj ntau tshaj li ob npaug, thiab cov tib neeg uas taug kev thiab cov tib uas tuaj xyuas yeej nyiam txoj kev muaj lub npe zoo thiab txoj kev zoo siab uas muaj nyob rau hnub ntawd.

ACRC yeej muaj lus zoo siab los mus nrog California Policy Center on Intellectual and Developmental Disabilities thiab STEP, txhawb nqa kev saib zaj yeeb yaj kiab Being Michelle, nyob ntawm lub tsev saib yeeb yaj kiab Crest Theater. Zaj yeeb yaj kiab no yog ib zaj yeeb yaj kiab uas muaj tiag los ua pov thawj rau tib neeg txoj kev uas tsis tso tseg txawm hais tias ib yam dab tsi yuav nyuaj npaum li cas thiab txoj kev ntseeg. Ib zaj yeeb yaj kiab uas kuv yeej pom zoo kom neeg mus saib.

Thaum koj nyeem tsab ntawv xov xwm Alta Connections ntawm no, koj yuav pom hais tias peb twb tau muaj ib qhov kev sib sau Microenterprise Fair ntxiv lawm, ib qhov kev sib rau kev nrhiav hauj lwm nyob hauv Sutter County los mus tshaj tawm peb cov chaw npaj kev pab cov neeg ua hauj lwm, twb tau mus koom kev tawm suab nyob thoob plaws hauv El Dorado County thiab Folsom City los mus nrog AKT Development txhawb txoj kev tsim Community for Health and Independence. Peb yeej tau muab qhov kev tawm suab thiab kev txhawb nqa ntawm no coj mus hais tawm nyob ntawm qhov kev sib sau 50th Anniversary Gala for the California Commission on Aging, qhov kev sib sau uas quhas txog tus qauv no. Kev koom tes thiab kev txuas lus tsis tseg nrog peb cov neeg uas muaj feem yeej ua rau peb muaj zog thiab ua tau qhov zoo nyob thoob plaws hauv peb kaum lub nroog. Peb yeej ua tsaug ntau rau cov cib fim uas peb muaj los mus pab cov tib neeg uas peb muaj cim fim pab.



Nyob ntawm daim duab no yog thaum ACRC Tus Txwj Lau Jackie Armstrong thiab Lori Banales tau mus hais lus nyob ntawm qhov kev sib sau May Day Rally uas Capital Coalition muaj. Yog xav tau cov ntaub ntawv qhia txhua txog qhov kev npaj ua ntej hais tias yuav siv nyiaj txiag zoo li cas, mus xyuas ntawm:

<https://arcanet.org/about-arca/legislation/2024-25/>

KEV MUS HAIS KOM TIB NEEG PAUB

Alta California Regional Center (ACRC) yeej mob siab mus koom cov kev sib sau nyob hauv lub zej zos uas muaj kev pab, muaj cib fim mus nrog ntau haiv tib neeg tham, thiab mus ntsib cov tib neeg thiab cov yim neeg uas siv peb cov kev pab nyob ntawm lub chaw regional center. Mus saib cov duab yees nyob ntawm ib cov kev sib sau uas peb tau mus koom thaum Lub Plaub Hlis – Lub Rau Hli.

Yog koj xav paub txog cov kev sib sau uas muaj nyob hauv lub zej zos, thov mus xyuas hauv peb phab ntawm qhia txhua yam uas peb yuav muaj nyob ntawm <https://www.altaregional.org/events-calendar>. Yog koj yog ib tus neeg npaj kev sib sau thiab xav kom ACRC mus koom, nug mus rau Shamir Griffin, Cultural Diversity Specialist hauv email ntawm sgriffin@altaregional.org.



Juneteenth Celebration in Yolo County (Hnub Ua Kev Zoo Siab Rau Juneteenth Nyob Hauv Yolo County)



El Dia del Nino (Hnub Nco Txog Me Nyuam Tub)



Art-Tism (Qhov Kev Sib Sau Los Muab Lus Qhuas Rau Lub Hlis Nco Txog Cov Neeg Muaj Kab Mob Autism)



WeEmbrace Disability Resource Fair (Qhov Kev Sib Sau Rau Qhov Uas Peb Nyiam Cov Kev Pab Rau Cov Neeg Xiam Oob Qhab)



Autism Acceptance Day (Hnub Lees Paub Kab Mob Autism)



Art on the Spectrum (Hnub Muaj Kev Sib Sau Kom Sib Paub Los Ntawm Kev Kos Duab)



Families for Early Autism Treatment Walk (Cov Yim Neeg Txhawb Kev Kho Kab Mob Autism Thaum Tseem Ntxov Qhov Kev Sib Sau Mus Taug Kev Qhia Kom Tib Neeg Paub)




Slavic Festival Yarmarka

ACRC QHOV KEV NROG TXHAWB NQA KEV MUS SAIB BEING MICHELLE THIAB KEV UA TXWJ LAUS NYOB NTAWM QHOV KEV SIB THAM



raug txim. Peb Tus Kws Kho Neeg Lag Ntseg thiab Tsis Hnov Lus Zoo Michael Mercado tau pab npaj qhov kev mus saib zaj yeeb yaj kiab.

BEING MICHELLE (UA MICHELLE) yog ib zaj yeeb yaj kiab muaj tiag hais txog ib poj niam uas lag ntseg, muaj kab mob autism, thiab nws tau raug kaw thiab raug tsim txom thiab tam sim no nws siv nws cov duab coj los qhia txog cov kev tsim txom uas nws tau ntsib thiab twb nyob dhau tag los lawm.



KEV SIB SAU RAU COV NEEG LOS SIS KOOM HAUM UAS PAB COV TIB NEEG LAG NTSEG THIAB TSIS HNOV LUS ZOO

Tau los tsis ntev no, ACRC tau muaj ib qhov kev sib sau rau tag nrho cov neeg los sis koom haum uas lawv tab tom pab los sis lawv xav mus pab cov neeg Lag Ntseg thiab Tsis Hnov Lus Zoo los mus sib qhia thiab los mus kawm nthuav cov kev pab uas muaj rau cov neeg Lag Ntseg thiab Tsis Hnov Lus Zoo.

<https://www.altaregional.org/deaf-and-hard-hearing-information>



COV KWS KHO MOB PHAB NTAWV NTSIB PEB TUS KWS QHIA NEEG HAIS LUS, MICHELE MATSUMOTO

Michel Matsumoto yog tus Kws Qhia Neeg Hais Lus nyob ntawm ACRC. Nws tau los ua tus neeg khiav hauj lwm ntawm peb cov kws kho mob txij li thaum xyoo 2019 los lawm. Nws txoj hauj lwm feem ntau yeej yog los mus pab Cov Neeg Saib Xyuas Kev Pab nyob hauv qhov kev pab cuam Early Start Program uas nws yog tus nrog lawv sab laj txog kev kho, kev qhia, thiab kev soj ntsuam. Nws tau siv ib tus qauv hais txog kev txaas lus thaum yug los mus txog thaum muaj hnub nyog 12 lub hlis uas yeej qhia tau hais tias kev qhia neeg hais lus yeej muaj ntau tshaj li lub sij hawm uas hais tau lus lig. Qhov no yeej pab tus neeg saib xyuas kev pab kom nws pab tau cov neeg tu me nyuam kom lawv paub pab cov me nyuam ua ntej cov me nyuam hais tau lawv thawj lo lus rau thaum lawv muaj hnub nyog li ntawm 12 lub hlis.

Michele yog ib tus neeg uas sib zog khiav hauj lwm los mus tsim cov qauv ntawm kev qhia pub mis rau me nyuam noj thaum tseem yaus uas yeej muab cov kev qhia thiab kev paub ntawm ACRC cov kws qhia neeg pub mis rau me nyuam noj saib ua qhov tseem ceeb thiab yeej tseem muaj cov kev tiv thaiv uas tsim nyog. Nws yog tus neeg paub zoo txog txoj kev uas yuav tsum tau muaj kev pab dav ntxiv rau cov yim neeg Early Start thiab yog tus neeg uas yuav xyuas kom meej hais tias cov kev pab raws li kev kho mob ntawm cov kev pab cuam tshiab yeej muaj zoo li qhov kev khiav hauj lwm uas ib txwm siv.



Kev Pab Thaum Tseem Ntxov (Early Intervention) yeej yog ib yam uas tseem ceeb rau Michele thiab nws txoj hauj lwm. Txoj muaj cib fim los mus ntsib thiab pab cov neeg siv ACRC cov kev pab uas lawv yog cov neeg yaus tshaj thiab lawv tsev neeg yeej yog yam uas tseem ceeb, ib yam uas muaj kev cia siab, thiab ib yam uas nyuaj. Nrog qhov kev zoo siab uas muaj rau thaum nrog ib tus me nyuam hais lus los sis ua ib yam dab tsi, nws yeej muaj ib cov neeg tu me nyuam uas lawv txoj hauj lwm yeej hnyav dhau rau lawv thiab yeej ua rau lawv txhawj. Mloog ib tus neeg cov lus nrog kev tu siab thiab kev txhawj thiab ua lub siab dawb paug pab tus neeg yeej qhia hais txoj kev ntseeg hais tias txhua tus me nyuam yeej muaj peev xwm kawm tau ub tau no thiab yeej txawj loj hlob. Michele yeej tau siv sij hawm los mus kawm txog tib neeg thiab lawv zaj dab neeg, los mus muab nws txoj kev paub coj mus qhia rau lwm tus neeg, thiab los mus pab kom lwm tus neeg muaj kev cia siab thiab kev ntseeg lawv tus kheej hais txog lawv cov hauj lwm tseem ceeb nyob hauv txoj kev pab cov tib neeg uas siv ACRC cov kev pab thiab lawv tsev neeg.

DISABILITY HOUSING ALLIANCE THIAB ACRC QHOV KEV TAWM SUAB PAB RAU TXOJ KEV NOJ QAB NYOB ZOO THIAB KEV NYOB TAU TUS KHEEJ TSIS TAG YUAV MUAJ LWM TUS NEEG PAB



Thaum Lub Plaub Hlis, Tim 25, 2024, AKT Development tau qhia lub zeem muag uas lawv muaj rau Community for Health and Independence rau Folsom City Cov Txwj Laus Sawy Cev Pej Xeem Hauv Lub Nroog (City Council) thiab El Dorado Cov Txwj Laus Tuav Lub Nroog (Board of Supervisors). ACRC cov neeg uas hais lus txhawb yog muaj Tus Neeg Saib Xyuas Kev Khiav Hauj Lwm Lori Banales, Tus Neeg Tawm Suab Pab Cov Neeg Uas Siv Kev Pab Reyva Johnson thiab Tus Neeg Saib Xyuas Hauj Lwm Rau Cov Kev Pab Hauv Lub Zej Zos John Decker. Thiab pom nyob hauv daim duab no yog Kim Zehring tuaj ntawm Disability Housing Alliance tuaj uas nws tab tom tham txog qhov nws nyiam ntawm qhov kev tsim tsa ntawm no uas yuav muaj kev koom tes nrog UC Davis los ua ib koog tsev tshiab coj los pab txoj kev noj qab nyob zoo ntawm cov tib neeg uas lawv muaj hnub nyog siab lawm thiab cov tib neeg uas lawv yog neeg xiam oob qhab.

<https://sites.google.com/view/disability-housing-alliance/home>



ACRC QHOV KEV SIB SAU RAU COV LAG LUAM ME

ACRC npaj muaj Cov Kev Sib Sau Rau Cov Lag Luam Me coj los txhawb nqa cov kws kos duab thiab tub ua khoom siv uas siv regional center cov kev pab. Cov kev sib sau ntawm no uas muaj neeg coob mus koom yeej txhawb nqa regional lub hom phiaj ntawm txoj kev ua hauj lwm. Koj yeej mus nrhiav tau cov lus qhia ntxiv txog Microenterprises nyob ntawm no:

<https://rula.disabilityrightsca.org/rula-book/chapter-9-community-participation-work-day-and-leisure-activities/could-i-be-self-employed-in-my-own-business/>



DSP COLLABORATIVE YEEJ KOOM TES NROG SUTTER COUNTY QHOV KEV SIB SAU RAU KEV NRHIAV HAUJ LWM UA NYOB HAUJ YUBA CITY THIAB YEEJ MUAB TSHAJ TAWM RAU HAUJ SOCIAL MEDIA

ACRC yeej tseem siv peb qhov kev koom tes DSP Collaborative nrog Valley Mountain Regional Center los mus npaj muaj cov kev sib sau rau kev nrhiav hauj lwm ua nyob hauj tej cheeb tsam thiab los mus npaj ib lub chaw tshaj tawm hauj lwm dawb uas cov neeg los sis chaw npaj kev pab rau regional center yuav mus siv tau. Peb los kuj tau qhib ib cov social media as khauj rau peb siv lawm thiab <https://dspcollaborative.org/>. Mus raws peb nyob hauj Facebook: <https://www.facebook.com/profile.php?id=61558627656942>



ACRC MUS TAUG KEV NYOB NTAWM SACRAMENTO PRIDE PARADE

Peb yeej tau mus koom qhov kev taug kev Sacramento Pride Parade thaum Lub Rau Hli, Tim 9, uas yog mus nrog cov neeg ua hauj lwm, cov tib neeg uas siv peb cov kev pab, cov yim neeg, thiab lwm cov neeg nyob hauj lub zej zos taug kev coj los ua kom tib neeg paub. Qhov kev sib sau ntawm no yog ib qhov uas peb yeej tos ntsoov yuav mus koom thiab nws yeej yog ib qhov uas peb muaj kev lom zem nyob rau hauj ob lub xyoos tag los no.



IB TSAB XOV TUAJ NTAWM SIERRA COLLEGE LIFE PROJECT

LIFE Project daim ntawv cog lus nrog DDS los txog rau lub Rau Hli 30th. Peb qhov kev khiav hauj lwm nyob hauv 15 lub hlis tag los no yeej tau ua rau peb kawm tau ntau yam tshiab thiab peb yeej ua tiav ntau yam. Cov ntaub ntawv tsim tawm los ntawm qhov project no tau muab ntxiv rau hauv cov ntawv Google pej xeem. Thov mus saib, muab cim (bookmark) cia, thiab muab cov ntaub ntawv ntawm no coj mus sib qhia.

Peb tau tsim muaj ib qhov kev khiav hauj lwm coj los rau peb siv mus yav tom ntej (muaj nyob ntawm lub chaw khaws ntaub ntawv nyob hauv Google), uas yuav siv cov tswv yim tseem ceeb uas peb kawm tau los ntawm qhov kev kawm, hais txog qhov uas peb yuav ua tau coj los ua kom muaj kev sib txuas lus zoo, kom muaj kev saib xyuas zoo, thiab kom muaj kev khiav tau hauj lwm ua nyob ntawm cov neeg npaj kev pab, cov chaw hauj lwm, thiab cov niam txiv los mus ua kom muaj hauj lwm thiab muaj kev qhia hauj lwm zoo rau cov tib neeg xiam oob qhab (tshwj xeeb tshaj yog cov I/DD), kom lawv nrhiav tau hauj lwm ua thiab kom lawv ua tau cov hauj lwm them nyiaj zoo. Lub sij hawm yog qhov uas yuav qhia hais tias saib cov neeg khiav hauj lwm Succession Planning Team puas yuav khiav tau hauj lwm mus ntxiv thiab saib lawv puas yuav khiav tau hauj lwm kom dav ntxiv zoo li qhov uas LIFE Project tau pib.

Txawm qhov kawg yuav zoo li cas los xij, peb cov neeg khiav hauj lwm LIFE Project Team xav thov ua Sierra College tsaug, tshwj xeeb tshaj yog rau Amy Shultz thiab Lindsay Kerr, thiab rau Alta California Regional Center, tshwj xeeb tshaj yog rau John Decker thiab Carly Shearer, rau lawv txoj kev pab thiab kev qhia. Ua tsaug.

Project LIFE Cov Neeg Khiav Hauj Lwm: Rick Larkey, Amanda Reynaud, thiab Michelle Alford-Williams.

TUS KWS KOS DUAB UAS PEB TAU XAIV COJ LOS QHIA RAU SAWV DAWS - BITA BAHARESTANI

Bita Baharestani tau mus koom Progressive Employment Concepts tau ntev li 31 xyoos lawm (txij li thaum xyoo 1993 los lawm). Yog ib tus neeg uas nyiam xyoob ntoo, nroj tsuag, ntau zaus, Bita cov duab yeej yog cov uas muaj toj rooj hauv pes thiab paj. Kev kos duab yog ib yam uas Bita thiab nws niam nyiam thiab ib cov duab yog nws siv tej yam uas nkawv pom thaum nkawv mus ncig phab Europe thiab Teb Chaws Meska ua ke. Nws cov duab los yeej muaj cov uas yuav muab luam tau rau ntawm cov hnab nqa khoom, cov ntawv xa xov, thiab cov hnab rau xov tooj.

Feem ntau, Bita cov duab yeej yog cov uas nws siv xim nrog dej (watercolor), acrylic thiab pastel coj los kos. Nws cov duab yeej muaj qhov ntxhib thiab du ua ke, muaj xim, thiab muaj ntau yam nyob hauv. Nws tej hauj lwm tau tshwm sim nyob rau hauv kev kos duab exhibition nyob rau hauv ntau qhov chaw thoob plaws hauv lub Greater Sacramento cheeb tsam. Kos duab yog ib yam uas ua rau Bita pom hais tias nws ua tau ub tau no tiav thiab ua rau nws txawj xav thiab qhov no yog ib txoj kev zoo rau nws los mus muab nws lub zeem muag nyob hauv nws lub siab coj los ua tau rau neeg pom sab nraud.

Yog koj xav yuav Bita cov duab, thov mus saib ntawm "Bita Designs" Etsy los sis hauv Facebook.

Etsy - <https://www.etsy.com/shop/BitaDesigns>

Facebook - <https://www.facebook.com/BitaDesigns/>

Los sis sau email mus rau tus Program Director Judy Odipo ntawm judyo@progressiveemployment.org



Progressive
Employment
Concepts